

# 家规

## 一、居家以孝友为先

父母生我兄弟同为父母所生，一本一气未有不孝不友者，或听信妇言争夺财产至根本都忘同气相伤人也而兽矣，有犯此者丞共诛之；由此而推，侵蚀祭田不供祀典不存遗益皆不孝不友也，吞骗孤寡不存怜悯不御外侮皆不孝不友也，以富欺贫以强欺弱以长欺幼暗箭明戈自相鱼肉，及使酒忘分疾行先长自科偏衷恃好幸灾皆不孝不友也，亦共诛毋恕以振家声。

## 二、授业以耕读为本

治生之业非读则耕，盖以读有恒心耕有恒产，穷不致滥富亦为仁，上而为士为官司为孝为廉自可得禄，次即或商或贾或医或卜亦可营生，不可离我善根种子为发富悠久之计，万一有乌合鹑奔鼠窃狗盗靡所不为者小惩大诫早杜玷累。

## 三、训后以礼义为要

吾族忠厚传家诗书启后总不外礼义为根柢，凡为人父兄者，当先其教则子弟之率自谨吉凶有礼否不如鼠取与有义否不如蚓，从小相绳循规蹈矩长大无不肖之悔即娶媳必择其清白人家育女必规以静正家法方是大家体统万勿自暴自弃。

## 四、出仕以清勤为尚

学古入官自一命至一品皆吾人分内事，我家代有伟人能臣廉吏班主管可考后之登科掇第应荐副辟者幸叨默佑得以出头可不进思尽忠退思补过以耀祖荣宗庇卫一族乎，倘贪污致败疎怠取讥不能奉今上之谕遵昔贤之训即不能以令名贻亲矣清勤二字仕者宜知。

五、兴族以风水为重

地理莫精于管杨曾郭诸术家，我儒伊川光润茂盛之论，紫阳孝子五患之防，更深切著明为人子者不可不知地理，若先人安厝不早且不得秉生气以葬必致骸骨凋瘁，至于富贵功名又其后耳，嗣后少知自爱者于父母在时或延明师预谋莹兆则得吉，早葬受荫实多慎，毋待亲歿之后徧走山川，致令亲柩久停大干不孝之罪。

六、立嗣以昭穆为序

大宗继祖小宗继祢确不可易，我家绳绳振振奕叶不绝间乏嗣不得混乱，异姓自亲兄弟之子以及从再之子择长者或贤者，同众间之亦必已有两子而后可许议，毋弟承兄，毋以孙承祖，方名正言顺矣，如未有继将安厝馀资听从公议，以一半入祭附祀一半给分亲支可也。

七、祠堂为祖灵所凭依，既立看守务期早晚伺奉香灯，不时洒扫庭堦，不许收置闲杂器物，听其牵帛搭炉，有褻先灵，门户严加关锁，非祭期毋得擅开，其祠内棹凳不午轻易借搬致令暴露朽蠹违者有罚。

八、各处祖坟树林，入遵禁蓄毋得徇情听其私取柴薪，倘有枯朽亦必禀告族尊，候期公同取用，如敢藉有分私收，通族合力送官正其不孝之罪。

九、春秋祭期子孙各飭衣冠，早至祠堂拜祖成礼务要诚，恪倘傲慢不恭不许与饮，墓祭亦然，祭毕饮酒务序昭穆别长幼为坐次，毋许过节贪杯以致忘分失言，有违大体违者叱责。

十、丧制恪遵文公，家礼随分自尽，即或力有不足亦止称家有无，不可习用僧巫有玷家规，期功麻总当各遵服制，至若居丧迎婚服中生子匿丧应试等情尤为失礼之大，一有此犯当以不孝论。

十一、伦理为名义攸关，孝弟忠信礼义廉耻率性而有者也，若乃反道灭性致使彝伦攸斁不惟，国法不容亦为家法所不宥，凡我子孙皆常凜遵毋貽玷累。

十二、礼重加冠责成人也，今不讲久矣，居位并行世所以鲜中材也，我族当仍仿古礼童子不冠俟，年屈二十始择吉日，会同宗亲率子弟至祠拜谒以行冠礼，则父兄既为子弟重子弟敢不自重乎哉。

十三、讼则终凶起于一时之分忿，破产败家由此而致，夫乡里尚宜和睦而况族党非叔侄即兄弟，凡事作退步想则忿自平，先辈格言云世上无难处之事，只要两个如之何，天下无难交之人只要三次必有自反，如万不获已，须鸣户人说明可也，至于以健讼为能不守本分或强凌弱大压小则向乡邻理论，公道自在人心，所谓大路不平旁人铲也，慎勿因冤堕难伸，迎经拜佛若能退让三分令其自愧更高人一等矣。

十四、国祿早完自有至乐文公之言至矣，故夏税秋粮当按时预办，一或怠缓捱延不惟差催烦扰亦且，国法森严君子怀弄之谓何不忠郎是不孝至若稍加寸进不自贵重便学包揽希图小利以致越理犯公尤为我族所深恶矣，戒之慎之。

我族恪守农夫由来已久，但恐代远年湮，性情既殊嗜好各异，或至习而生玩，故特因旧文推衍问附已意补所未逮，无非欲我后人敦伦饬纪尽性践形奉高曾之矩，获以无负先人立规之意云尔。

## 家训

## 敦倾纪第一

## 一曰重根本

子曰：父母惟其疾之忧，又曰：子生三年然后免于父母之怀，人能以爱子之心爱父母则其为孝也大矣，然大孝固不易得，而不孝其可居乎？语云身从何处来知爱其身，而不爱吾身之所自出，犹之弗爱吾身也，盖有吾祖而后有吾父，有吾父而后有吾身，推而上之至于始祖，凡属始祖以下者，莫非一脉之流通，一气之连贯，譬之于树身为枝父为本，祖为根枝连本根以生，荣则皆荣枯亦俱枯。试看瓶花无根，虽荣不久枯，杨有本亦可生稊，故爱父母丰其本也，爱祖宗培其根也，一脉一气自相关切，如此孝道顾可不尽乎哉！由此而推，兄弟翁妻子和，虽菽水承欢，而父母其顺矣，如曰：尽孝以报劬劳犹是第二层意，见父子祖孙之际，本有是缠绵莫解之至，情何可以施报论耶，凡为人子者体父母之心以为心，则庶乎其可耳。

## 一曰联同气

诗曰：兄及弟矣式相好矣，无相犹矣。又曰：兄弟阅于墙外御其侮，盖同为一父之子，一气分为二体，二何仍联一气，此兄弟之伦，所谓合以天也，方在孩担襁褓之时，生同胞养同乳食同爨寝同席出同携入同归学同师游同嬉喜同笑泣同悲，非天性俨然欤！独至于成人之后，或听妇言，或因财利，各怀一心，各私一身，各呈所见，各爱所亲，遂致兄弟之间视如路人，甚且同根相煎同气相残骨肉竟成仇隙，此何为者？独不思手足虽分，原属一体，痛痒能不关心？昔人灼艾分痛，大被同眠何等相关，而顾使我生不可再得之亲，以财产忿争而弃之，于心何安，语云：兄弟相打看娘面，千朵桃花一树生，此言最宜深味，若自剪其枝柯，岂有孤身无助而得长存者乎？

记曰：父母之所爱亦爱之，至于犬马尽然，而况于人乎！况于兄弟乎！夫然则能友能恭亦不愧其为孝矣。

### 一曰正内外

易曰：男正位乎外女正位乎内，内外各司斯为有别，盖夫妇为人伦之首，闺门为万化之原，倘妇人干预外事，男子听信妇言所谓，妇有长舌为万之階其不至牝鸡司晨为家之索者，几希忤逆父母由此而起，拆散兄弟由此而兴，仇隙亲邻由此而致，败坏门面由此而倡，凡此者皆不能正室故耳，然则正家之道当如之何，亦惟使妇人安柔顺勤纺绩主中馈，男子生秉阳刚言有物行有恒，如果而已，匹配之际人家兴废系焉，可不谨哉！语云：家有贤妻夫不招混事，又曰：娶坏一代媳妇养坏三代儿孙，此言虽浅亦百虚也。

### 务本业第二

#### 一曰力耕桑

恒产即恒心之渐饱暖为廉耻之原倘年丰而妻啼饥冬暖而儿号寒尚得保其廉耻乎，夫财源开于天时因乎地利从而成之者人力也，农为王政之所重，用力虽苦而得财自裕，故游民有戒惰农有怨若先，不足于衣食安见寄籍流寓之人，当身便能置产立业，一再传而诗书蔚起科名显达遂成大家哉。语云：大富由命小富由勤，又云皇天不误苦耕人，此言当铭刻于心，谓自食其力可以足衣食可以保廉耻可以兴礼让，莫此为紧也。今有一等子弟家稍丰腴輒废农桑谓沾体涂足失了大家体面而不知此正为大家所窃笑者也，不惟悖祖宗之遗训亦且为朝廷之罪人矣！

#### 一曰勤诵读

欲明礼义振家声非诗书不可，彼子弟有姿性聪颖者即当教以诵读，而诵读非博名高已也，务将圣言语细心讲究期徹其原委，字字融会于心，事事体贴于身，力行其所明便是圣贤路上人物，

由是而掇科第显父母，由是而服官政建奇勋，皆是读书人分内事耳，即或功名有时显达由命，亦得以其所学训子弟开愚蒙俾人人各明大义不致背道而驰，且砚田菑畲以笔代耕，可以足衣食可以膳家口，随分所及于物有济人，已两无所负此亦人生切已之本务也，特患浮慕其名而不既其实，则身世之间进退两无所据令人叹五谷之美，种反不如稊稗之有成也，岂不可惜。即或文名日盛又要守分循理倘挟才恃势矜已傲物损人利己是诗书种子先已不正了，陈眉公格言云：家门出一个丧元气的进士不如出一个积阴德的平民，又于作秀才时如处女要怕人，做官长时如媳妇要养人，休归林下时如阿姥要教人，读书者深味斯言便会讨书中受用，昔范文正公做秀才便以天下为已任，宦成后即亟亟于置义田周恤宗族，允堪为读书者法。

### 端教化第三

#### 一曰立品行

人贵修品励行不失大家规范，富贵贫贱非所较较也，所谓品德者持已端方，与人正直敬而无失恭而有礼，卓然循规蹈矩不为异端所惑不为习俗所染，使人一望而知为笃实，君子方无愧为人后，夫太上立德其次立功其次立言此品之最上者也，即如农工商贾择可为者专而习之，去华存朴安静无躁，拘而无放谨而无譁，入孝出弟仍不失恂谨之度，亦不可谓非品之次者也，倘游惰失业迁徙无常，以赌博为乐地，视耕读为畏途则品斯下矣！昔少参伯谷公训后有云，子孙贤出期名世处亦名时其不然者兢兢守法亦足以寡过斯言也，当奉为龟鑑。

#### 一曰正心术

心为身主善恶所由生也，心善行善表里如一斯为真君子，若阳托君子之名而心实背之则欺世盗名而人不觉其非，出则杂霸害治处则乡原乱德假君子即真小人矣，所谓金玉其外败絮其中者非欤，倘就外看来其人亦无大恶，可指而动获恶报人多讶为异事而不知其心术最不可问，盖有隐

恶存焉，但其才不足以济恶而心实与禽兽无异，反不如显然为恶之人，平旦清气尚有回头日子，所心堕落儿孙横祸莫测丑秽腥闻。祖宗之功德不足恃，子孙之孝慈莫能挽，良可浩叹然则存心当如之何，亦惟常怀忠厚不萌刻薄之念而已，忠厚二字为传家之要，亦即为成家之本，如存忠厚之心又行忠厚之事不惟身通且有余庆，即使所行偶垂而其心可原，君子犹以为无心之失而恕之，有志者慎无蹈于罪大恶极而不可解焉，则幸矣。

### 一曰慎言语

书曰：惟口出好惟口兴戎是言为心声固不能终默而出之不可不慎也，试观多言不如寡言有言不如无言则默者贵焉。如人有过不喜规谏忠告者屡言不止则疎辱立至是多不如寡也，人有隐恶恐人窥破攻訐者矢口无忌则后患旋生，是有不如无也，抑或谈人闺闼间人骨肉轻口薄舌捕风捉影如此者不招人怨必干神怒，争斗由此起，讼狱由此而兴。故曰：乱之所生言语以为階也，昔马援诫兄子书云：吾欲汝曹闻人过失如闻父母之名耳，可得闻口不可得言也，佩服斯言庶免罪过且非特不当言者宜缄吾口，即当言者亦不可太尽，经曰：君子耻其言而过其行，是故辞尚体要与其急遽无序，曷若从容有度与其词烦厌听，曷若出方有章，至于唆人讼破人婚逞笔锋造歌谣作呈状率是非明攻暗揭人受其害我快其意，最犯造物之忌而为神人所不容矣，出好与戎荣辰所系可不慎欤。

### 一曰躬节俭

易曰节以制度书曰慎乃俭德，盖天地生财止有此数，入浮于出则常盈，出浮于入则常虚，空虚之象不可居，而用度又人家所不可省，则节俭之道宜讲焉，而节俭又非吝啬之谓，但省不经之费使用不馀于财，财恒余于用而已。语云：当用不须慳除此之外，一切纷华靡丽悉归安节之中，禁奢侈汰冗食，惩滥用省得一事即不生二事，简得一费即不轻耗一费，使平日不预备而临时扯拽，

则二月卖新丝五月糴新谷，寅年支过卯年粮者有之。富家患贫常将有日思无日，贫民思富莫把无时作有时，语云：起家如针挑土，败家如水推沙，斯语最宜玩索，是故布衣可以被体奚必美服，菜羹亦堪适口奚必甘旨，容膝亦可自安奚必华屋，缓步亦可当车奚必舆马，惜此数者留作儿孙资本，岂不饶裕更倍，苟纵耳目之欲，暴殄天物至作无益害有益，贵异物贱用物，不惟不知节俭亦岂入于败类矣，戒之慎之。

#### 厚风俗第四

##### 一曰睦宗族，附和戚邻

一父之子一祖之孙分而为嫡堂为从堂为再从为宗族原其初皆一人身也，顾可疏而远之乎，必于祖之所爱者亦爱之，爱宗族即所以爱祖宗，祖宗之所敬亦敬之，敬宗族即所以敬祖宗，爱敬存于中，而仁民而爱物由此而推矣！故凡遇族中之尊长即发其敬心，遇族中之卑幼即发其爱心，有贤哲则尊礼而亲近之，不必其分之长于我也，有困厄则矜哀而扶持之，不必其人之求于我也，即有不淑与我构争亦忍让而不之校，以祖宗视之则何怒不可解，何怨不可释耶！我为尊长则劝化子弟，我为子弟则祇承尊长，富贵贫贱之势非所论也，是非长短之情何足计哉！至于乡里姻亲亦宜笃厚焉，彼有谓乡人不如贵戚者，以其无声势可援故忽之此趋炎附势之徒也，亦有谓远亲不如近邻者，以其需缓急未便故疏之此爱富嫌贫之徒也，然则和戚邻之道何如必也，道义相成熏陶相化有无相通患难相恤，悔其不及而勉其不能，和睦之道不外是矣。

##### 一曰礼高年

记曰：十年以长则兄事之年长一倍，则父事之岂徒曰年与父等遂触其爱父之心，齿与兄将遂动其敬兄之念乎。语云：若要好问三老，又曰：家有老便是宝，盖阅历深而闻见广也，若以德兼齿则足以师我，以贵兼齿足以临我，其严惮畏敬当更有倍凜者矣。每见后生小子恃其可畏之势

指高年为老朽，不惟不知敬礼而反厌弃之，陈眉公格言云：汝既厌老天岂以汝所厌者赠汝斯言深堪发人猛省，试观圯上老人王成帝者之师太乙老人黎照天禄之阁，海滨二老尊称天下之父商山四皓翼定太子之宫，高年之有益于世也大矣，故执爵执将隆其礼授几授杖致其仪，虽国老庶老不一其称，而上庠下庠同申其敬，至于父执恩师其情意之有加当出常谊之外者又不可不辨也。

### 一曰恤孤寡

孤儿寡母天下之穷民而无告者莫此为甚也，盖孤儿不知诉苦，寡母难同人言。稍有基业无人撑持，必来侵噬，若处困穷无人周恤必至流亡，寡妇之志节莫保孤儿之成立，亦难能不为之寒心哉，世之贞节自矢者虽饥寒亦不变，若使之足于衣食其志心易守而倍坚，即或苦节不可贞而有人周其匮乏俾得终丧亦为义举，至于孤幼不能自食其力，虽有命产亦不知料理布置，况当可上可下之时莫为督率，为恶则易为善则难，此非亲邻之责而谁之责耶！家族邻里之间不幸遇此当竭力为之扶持，尽心为之旋斡勿利所有勿惮其劳，则不但保其身家亦足以保其德行矣！惟在存心忠厚者身任而力行之。

以上诸条人生当务之急惟赖读书人频将此义训示愚蒙，开发其心志鼓舞而力行之虽未必人人圣贤而能以此自勗亦不与大道相背驰矣！或每祭毕先将家规朗诵一遍，次将家训逐段讲明，俾众皆聳听则春秋习闻内外传述庶伦纪敦而本业务教化美而风俗淳清平复歌于光化豫顺再表于门庐亦可为我族决矣。

### 十修宗谱家训新增

#### 一曰爱祖国

人之能存者，依阳光雨露、空气、食物等，其次国之所在耳。所谓国，概述讲，即土地、江河、湖泊、

海域、山川、田地、人等。以及人所组织的政府机关、法院、监牢、军队等，统称为国家之概念。任何一个姓氏，长期延续并存，无一不是全赖于国家之兴衰昌盛为根基。有语云，国家兴亡，匹夫有责，千真万确也。吾族裔孙，应视国如家，有国必有家，有家必爱国，相互依存，先公后己，人同此情，情同此理，非簿言之矣。

## 二曰爱人民

人为万物之灵，人是主宰世界的动力。没有人，也就不成为世界之说，非无理也。因而，一切人均是大厦中之一分子，对于每个人于大厦中所起的作用大小，是依据各人的不同能力特点和需要，而有所区别，并非此重彼轻之故也。

大凡之人，没有贵贱之分，都是平等的。所以说，一切人都要互相爱护，相互尊敬，互相帮助，互相制约。一切以理服人，以德为本，以礼为贤，以辱为耻以高尚品德为荣。决不能我行我素，妄自尊大，相互斗殴，相互欺骗，明戈暗箭，欺世盗名，凡此种种，不能苟同。对于素不相识之人，应认为，年长十岁者，称兄姊之辈。年高二十者，称父母之言。年小十岁者，称弟妹之语，年小二十者，称晚辈之爱，如此类推，总观全局上下有序，长幼分明，平易近人。类似为人之起码道德标准。为人子弟，难道不应该认真思索细考乎。

## 三曰爱科学

人类社会之发展，国家要不断地进步、创新、稳定、安乐，人民生活才能得到逐步提高。凡此一切，没有科学之发达，皆妄想也。所以说，科学是发展生产力的保证，是人类进步之动力，是创造世界之根源，非虚言也，人们要了解科学这一重要原理，人人必须爱科学、学科学、掌握科学、运用科学，为人类求生存、谋幸福，这是必经之路。也是每个人之天职，决不能等闲视之，妄为所以耳。人们要掌握运用科学这个真谛，必须学字当先，千字落脚。孰能不思之考之。

#### 四曰讲文明

文明这个词，是概括人的思想、道德、广告、信仰以及思想活动的形容总则，并非空洞之语无关重要之词也。人的一切行动，是由人的思想支配。也就是说，你有正确的思想，才有正确的行动，这是一个简单的基础常识，为人能不自省乎，例如，说话要有礼貌，有理由，有节奏。不得横蛮无理，鲁莽粗言，不利于团结人民的长篇废话愤愤其谈，此皆是非文明之举也。为人作事，要善始善终，有恭有敬，有先有后，有上有下，顺理成章，绝不作虎头蛇尾，本末倒置，杂乱无章，伤天害理的蠢事来，同时要识时务，遵纪守法，礼貌待人，和睦邻友，亲疏如宾，此系列之举，皆是文明非常重要之准则，次之，美心、美德、美言、美境，亦是文明不可缺少组成部分。吾族是一个历史个悠久，立于文明古国之中的大族，吾族后裔继承先达优良传统，永远立于不败之地，阖族同仁，难道不应该做文明楷模之标兵耳。